

**BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA KVALITET I AKREDITACIJU U ZDRAVSTVU
U FEDERACIJI BOSNE I HERCEGOVINE
- UPRAVNI ODBOR -**

**S T A T U T
O IZMJENAMA STATUTA AGENCIJE ZA KVALITET I
AKREDITACIJU U ZDRAVSTVU
U FEDERACIJI BOSNE I HERCEGOVINE**

Sarajevo, marta 2025. godine

Na osnovu člana 27. stav 1. alineja 1. Zakona o sistemu poboljšanja kvaliteta, sigurnosti i o akreditaciji u zdravstvu ("Službene novine Federacije BiH", br. 59/05, 52/11 i 6/17), Privremeni upravni odbor Agencije za kvalitet i akreditaciju u zdravstvu u Federaciji Bosne i Hercegovine, na XXIV sjednici održanoj 20.03.2025. godine, d o n o s i

STATUT O IZMJENAMA STATUTA AGENCIJE ZA KVALITET I AKREDITACIJU U ZDRAVSTVU U FEDERACIJI BOSNE I HERCEGOVINE

1.

U Statutu Agencije za kvalitet i akreditaciju u zdravstvu u Federaciji Bosne i Hercegovine ("Službene novine Federacije BiH", broj 94/07 i 31/16), član 5. stav 3, mijenja se i glasi:

„- Sjedište AKAZ-a je u Sarajevu - ul. Bulevar Ivce Osima 9”.

2.

U članu 6. stav 3 mijenja se i glasi:

„- AKAZ ima stilizirani znak (logotip) čiji izgled i sadržaj utvrđuje Upravni odbor AKAZ-a posebnom odlukom.”

3.

U članu 14. stav 2, riječ: „pet” zamjenjuje se riječju: „tri”.

4.

U članu 15. stav 1, alineja 11, mijenja se i glasi:

„- imenuje i razrješava direktora i pomoćnika direktora AKAZ-a, uz prethodnu saglasnost ministra zdravstva,”

5.

U članu 16. stav 2, mijenja se i glasi:

„- Upravni odbor donosi odluke prostom većinom glasova prisutnih članova Upravnog odbora, izuzev odluke o Statutu, odnosno imenovanju i razrješanju direktora i pomoćnika AKAZ-a, a za što je potrebna dvotrećinska većina članova Upravnog odbora.”

6.

U članu 18. riječ: „tri” zamjenjuje se riječju „dva”.

7.

Član 19. mijenja se i glasi:

„- U slučaju odsutnosti Predsjednika Upravnog odbora, na prvoj sjednici Upravnog odbora izabrace se jedan od preostala dva člana Upravnog odbora za Zamjenika predsjednika Upravnog odbora AKAZ-a.”.

8.

U članu 57. u stavu 1. alineji 7. broj „3” zamjenjuje se brojem „2”.

9.

Postojeći opći akti AKAZ-a uskladit će se sa odredbama ovog statuta u roku od tri mjeseca od dana stupanja na snagu ovog statuta.

10.

Statut o izmjeni Statuta Agencije za kvalitet i akreditaciju u zdravstvu u Federaciji Bosne i Hercegovine, nakon što Parlament Federacije Bosne i Hercegovine da saglasnost, stupa na snagu osmog dana od dana objavljivanja u „Službenim novinama Federacije Bosne i Hercegovine”.

Broj: UO-02-02-~~450~~-2/25
Sarajevo, 20.03.2025.godine



**Predsjednik privremenog
Upravnog odbora**

Marija-Silva Vidović

Marija-Silva Vidović, dipl.iur.

O b r a z l o ž e n j e
Statuta o izmjenama Statuta Agencije za kvalitet i akreditaciju u zdravstvu u
Federaciji Bosne i Hercegovine

I – ZAKONSKI OSNOV

Zakonski osnov za donošenje ove Odluke predviđen je u članu 27. stav 1. alineja 1., Zakona o sistemu poboljšanja kvaliteta, sigurnosti i o akreditaciji u zdravstvu ("Službene novine Federacije BiH", br. 59/05, 52/11 i 6/17), kojim je regulirano da Statut AKAZ-a donosi Upravni odbor AKAZ-a.

II – RAZLOZI ZA DONOŠENJE

Članom 2. stavom 3. Zakona o izmjenama i dopunama Zakona o sistemu poboljšanja kvaliteta, sigurnosti i o akreditaciji u zdravstvu ("Službene novine Federacije BiH", broj 6/17) regulirana je obaveza usklađivanja važećeg Statuta Agencije za kvalitet i akreditaciju u zdravstvu u Federaciji Bosne i Hercegovine koji je objavljen u "Službenim novinama Federacije BiH", broj 94/07 i 52/11 sa odredbama citiranog Zakona.

Slijedom navedenih zakonskih obaveza pristupljeno je izradi ovog Statuta.

III – OBRAZLOŽENJE PRAVNIH RJEŠENJA

Članom 1. vrši se izmjena u članu 5. stav 3, važećeg Statuta koja se odnosi na promjenu adrese usljed preseljenja u poslovne prostorije na adresu u ulici. Bulevar Ivica Osima 9, a razlogom poplavljenih prostorija na prethodnoj adresi sjedišta agencije u ulici Dr. Mustafe Pintola - Ilidža.

Članom 2. vrši se izmjena u članu 6. stav 3 koja se odnosi na stilizirani znak AKAZ-a (logotip) na način da se izgled i sadržaj, prethodno utvrđen u tekstu Statuta, određuje posebnim aktom koji donosi Upravni odbor AKAZ-a a u smislu olakšanih eventualnih promjena izgleda znaka koje ne bi zahtijevale isti proceduralni mehanizam kao donošenje Statuta.

Članom 3. vrši se izmjena u članu 14. stavu 2. u vezi broja članova Upravnog odbora, a saglasno članu 1. citiranog Zakona o izmjenama i dopunama Zakona o sistemu poboljšanja kvaliteta, sigurnosti i o akreditaciji u zdravstvu, tako da se broj članova sa pet smanjuje na tri člana.

Članom 4. vrši se izmjena u članu 15. stav 1, alineja 11, na način da se imenovanje i razrješenje za koje je predviđena prethodna saglasnost, odnosi na direktora i pomoćnika direktora AKAZ-a za razliku od prethodne formulacije koja se odnosila na „rukovodne djelatnike“ to jest, imenovanje i razrješenje šefova službi vrši direktor AKAZ-a.

Članom 5. vrši se izmjena člana 16. stav dva, u vezi donošenja odluka Upravnog odbora AKAZ-a, a saglasno članu 1. citiranog Zakona o izmjenama i dopunama Zakona o sistemu poboljšanja kvaliteta, sigurnosti i o akreditaciji u zdravstvu, tako da se broj članova sa pet smanjuje na tri člana. S tim u vezi Upravni odbor donosi odluke prostom većinom glasova prisutnih članova Upravnog odbora i kvalifikovanom većinom za slučaj odluke o Statutu, odnosno imenovanju i razrješenju direktora AKAZ-a.

Članom 6. vrši se izmjena u članu 18., a kojom je bilo predviđeno da inicijativa za održavanje sjednice Upravnog odbora mogu podnijeti najmanje tri člana Upravnog

odbora. Imajući u vidu da sada Upravni odbor broji tri člana ovu inicijativu bi trebalo prilagoditi u smislu da istu mogu podnijeti dva člana Upravnog odbora.

Članom 7. mijenja se član 19. na način da se u slučaju odsutnosti Predsjednika Upravnog odbora, na prvoj sjednici Upravnog odbora izabira jedan od preostala dva člana Upravnog odbora za Zamjenika predsjednika Upravnog odbora AKAZ-a. Ovo rješenje proizlazi iz činjenične nemogućnosti izbora Zamjenika predsjednika koja je ranije bila na snazi a koja je svoj logički neksus imala u samom broju članova Upravnog odbora od 5 članova, a koji je sada smanjen na tri člana.

Članom 8. mijenja se član 57. stav 1. alineja 5. važećeg Statuta. Naime, ocijenjeno je da s obzirom da sada Upravni odbor ima tri člana, izmjene i dopune Statuta mogu predložiti i najmanje dva člana Upravnog odbora, a ne tri člana kako je to do sada bilo predviđeno u alineji 5.

Članom 9. regulira se obaveza usklađivanja postojećih općih akata AKAZ-a sa odredbama ovog Statuta u roku od tri mjeseca od dana stupanja na snagu istog.

Članom 10. određeno je vrijeme stupanja na snagu Statuta.

IV – FINANSIJSKA SREDSTVA

Provođenje odredbi ovog statuta osiguraće se u okviru sredstava predviđenih Finansijskim planom AKAZ-a.

